

Phores Pontifices adversus factuosos, & contra fautores ediderunt Bullas, quas hic Pontifex confirmat.

nalium Collegio residet, & ad quam ex omnibus mundi partibus, veluti ad portum saluberrimum gentes conflunt, que denique communis omnium patria censetur, esse ipsis facinorosis hominibus vacuum.

§.1. Sane cum a diversis Pontificibus prædecessoribus nostris plures Constitutiones adversus homicidas, sicarios, latrones, sacrilegos, raptos, aliosque facinorosos homines, eorumque fautores, & receptatores, sine quibus delinquentes diutius latere non possunt, editæ fuerint, que vel temporum iniquitate, vel ad senium, & occasum vergentis sæculi corruptela, aut Magistratum negligentia minus custodiuntur, & observantur, ac fere in defectu dem abierunt, opere pretium censuimus Constitutiones ipsas approbare, & innovare, prout illas Motu proprio, & ex certa scientia, cum omnibus, singulis censuris, & poenis in eis contentis, harum serie approbamus, ac innovamus.

Franchitias que tenent, & curiam in executione impedire prohibet.

§.2. Et insuper quia, sicut accepimus, quorundam eorumque processit licentia; ut non solum homicidas, & facinorosos, ac alios prædictos, contra juris, & sacrarum Constitutionum præfatarum prohibitionem receptari audeant, sed etiam domos suas, necnon vias publicas, & plateas, que circa domos sunt, facinorosis ipsis tutum refugium, & quasi portum esse velint, signatis etiam franchitarum nomine quodammodo limitibus in via, quos iustitie ministris ingredi non liceat. Nos abhominabile ac detestandum franchitarum hujusmodi nomen penitus abolemus, ac perpetuo abolitum fore decernimus. Volumus enim causarum capitalium iudiciis, baris, apparitoribus, & aliis iustitie præfatis, & ministris, quascumque vias, & plateas, aedes, & domos, ad requirendos, capiendos, & debitis poenis afficiendos facinorosos homines, die, nocteque, liberas, & apertas esse. Si quis autem post hujus nostre voluntatis declarationem, franchitias hujusmodi adhuc habere, & tueri, ac illarum prætextu, aut alias quomodolibet iustitie ministros, in executione eorum officialium impedire præsumpserit, etiam si Baro, Domicellus, Comes, Dux, Principis cujusvis Orator, aut, quod futurum minime credimus, Episcopus, Archiepiscopus, Patriarcha, aut etiam Sanctæ Romanæ Ecclesiæ Cardinalis extiterit, noverit se amissionis gratiæ, ac benevolentie nostre, necnon coercitionis, & emendationis, prout Nobis juxta circumstantiarum qualitatem videbitur, poenas ipso facto incursum. Si quis vero in tantam devenerit audaciam, ut etiam violenter, & manu armata, ipsis iustitie ministris se opponere, & resistere ausus fuerit, tam facientes quam mandantes, eo ipso crimine læsæ majestatis incurrere declaramus, & pro illius condigna ultione, si ultra iustitie ministros, majori manu opus fuerit, præcipimus dilecto filio nobili viro Camillo Ursino Domicello Romano ac alteri cuicumque pro tempore militie nostre temporalis generali Gubernatori, & custodia Palatii nostri Du-

cibus, tam pedestribus quam equestribus, ac Conservatoribus, & Capitibus regieum ipsius Almæ Urbis, ut contra opposites, & resistentes hujusmodi, tamquam iustitie, pacis, & quietis perturbatores, nostrosque, & hujus Sanctæ Sedis rebelles, acriter suo brachio seculari insurgant, ac eos manu regia, & nulla tela judiciaria servata, severissime puniendos capi, & carceribus mancipari ficiant.

Clausula derogatoria.

§.3. Non obstantibus quibusvis Constitutionibus, & Ordinationibus Apostolicis; privilegiis quoque, & indultis, & consuetudinibus; ceterisque contrariis quibuscumque.

Iusso publicandi.

§.4. Ut autem præmissa omnia ad eorum, quorum interest, notitiam, deducantur, nec aliquis de eis ignorantiam iuste prætere possit, volumus, & Apostolica auctoritate decernimus, quod præsentis literas per aliquos Curie nostre Cursores, ad Basilicam Principis Apostolorum de Urbe, & Ecclesiæ Lateranensis valvas, dum inibi populi multitudo ad divina audienda convennerit, palam, & clara voce legantur, & lectæ in Basilica, & Ecclesiæ hujusmodi, ac Cancellariæ Apostolicæ valvis, necnon in acie Campi Floræ affigantur, ubi ad lectionem, & notitiam cunctorum aliquandiu affixæ pendeant, & cum inde amovebuntur, earum exempla in eisdem locis remaneant affixa.

Transumptorum fides.

§.5. Quod earum transumptis manu Notarii publici subscriptis, & sigillo alicujus personæ in dignitate Ecclesiastica constitutæ munitis, certa, & indubitata fides adhibeatur, prout præsentibus literis adhibetur, si forent exhibitæ, vel ostensæ. Nulli ergo, &c.

D. P. An. III. 22. Septemb.

Datum Romæ apud Sanctum Petrum Anno Incarnationis Dominicæ millesimo quingentesimo quinquagesimo secundo, decimo Kalen. Octobris, Pontificatus nostri anno III.

Publicatio.

Anno a Nativitate D. 1552. indictione 10. die vero 27. mensis Septembris: Pontificatus Sanctissimi in Christo Patris & D. N. D. Julii divina providentia Papa III. Anno III. retroscriptæ literæ lectæ, affixæ, & publicatæ fuerunt in locis retroscriptis, dimissis etiam inibi copiis affixis juxta illarum formam, & tenorem per nos Jacobum Carra, & Hermannum Latum Cursores.

Ita est Hermannus Letus Curf. Thomas Roger Mag. Curf.

Inno-

Ex Regest. in Archiv. Vat.

Innovatio, & ampliatio Gratiarum, & Privilegiorum Societatis Jesu, ejusque Collegiorum.

De hac Societate vide in Paul. III. Const. XXXI. fol. 185. Hic squidem Pontifex eandem Societatem, ejusque Constitutiones approbavit, Privilegiaque illi largitus est quam plurima.

Dilecto filio Ignatio de Loyola Præposito Generali Societatis Jesu.

JULIUS PAPA III.

Dilecte fili salutem, & Apostolicam benedictionem.

Causa concedendorum Privilegiorum.

§.1. SACRÆ Religionis, sub qua dilecti filii, Societas Jesu, rejectis sæculi vanitatis gratum Altissimo præbent sub humilitatis spiritu famulatum, & ferventibus studiis per exempla virtutum, & solidam doctrinam alios ad divinæ Majestatis obsequia trahunt, favor exposcit, & devotionis vestrae merita Nos inducunt, ut ea, que per Nos, & Prædecessorem nostrum tibi, & illis provide concessa sunt, Apostolicæ firmitatis munimine roboremus. Vosque amplioribus favoribus, & gratiis confoveamus, ea vobis concedentes, per quas commoditatibus vestris, & animarum tum vestrarum, tum etiam aliorum, quibus juvendis vacatis, per amplius consulatur.

Facultates tum spirituales, tum temporales alias concessit Societati confirmat.

§.2. Tuis itaque in hac parte Nobis porrectis supplicationibus inclinatis, omnia, & singula literas, facultates, Indulgentias etiam plenarias, concessioniones, immunitates, exemptiones, libertates, gratias, privilegia, & indulta tibi, & ad tui ac pro tempore existentis Præpositi Generalis Societatis hujusmodi dispositionem concessa, necnon facultatem inter alia cum personis Societatis hujusmodi circa jejunia, & cibos prohibitos per te, vel alios dispensandi, ac Societatem ipsam professos quoscumque a casibus heresis, & aliis contra fidem, & consequentibus censuris quibuscumque etiam per te, & Successores tuos, vel alios similiter professos ad id idoneos per te, & pro tempore existentem Præpositum Generalem Societatis hujusmodi deputandos absolvendi, & quatenus opus sit, in foro conscientie dispensandi per sel. rec. Paulum Papam Tertium Prædecessorem nostrum, & forsitan Nos tam in genere, quam in specie, & alias quomodolibet, & sub quibuscumque tenoribus, & formis concessa eorum omnium tenores, & causas propter quas concessa sunt, presentibus pro sufficienter expressis habentes, Apostolica auctoritate ex certa nostra scientia tenore presentium approbamus, & confirmamus, ac illis perpetuæ, & inconcusse firmitatis robur adiciimus, illaque inviolabiliter observari, & sub quibusvis derogationibus, revocationibus, suspensionibus, alterationibus, decretis, declarationibus, ac literis Apostolicis etiam quavis clausulas generales, vel speciales etiam derogatorias Bull. Rom. Tom. IV. Par. I.

rum derogatorias, efficaciores, & insolitas ac etiam irritantia decreta sub quacumque verborum forma, & expressione in se continentibus, aut Cancellariæ Apostolicæ Regulis, seu Constitutionibus Apostolicis quomodolibet pro tempore factis, & editis ullo unquam tempore comprehendi, aut eis in aliquo derogari, seu ea revocari, aut alterari nullatenus posse, sicque per quoscumque Judices, & Commissarios quavis auctoritate fungentes in quavis causa, & instantia, subblata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac ex nunc quidquid secus super his a quoquam quavis auctoritate, scienter, vel ignoranter contigerit attentari, irritum, & inane decernimus.

Præpositus Generalis commutavit horas recitationis Officii Divini.

§.3. Et nihilominus, ut tu, & Societas hujusmodi quietius, & devotius in humilitate spiritus Altissimo gratum exhibere possitis famulatum, facultatem, & licentiam anteposendi, & postponendi Officium divinum alias vobis concessam ad hoc, ut tu, & Religiosi pro tempore existentes Societatis hujusmodi ex legitimis ac iustis causis (in quo tuam, & Successorum tuorum Præpositorum Generalium pro tempore existentium, & aliorum, quos ad hoc substitueritis, conscientiam oneramus) Officium ipsum celebrationi Missæ libere, & absque conscientie scrupulo postponere possitis, auctoritate, & tenore prædictis extendimus, & ampliamus.

Ipsam vero Officium in alias Orationibus pro Infirmitis.

§.4. Ac insuper tibi, & aliis Præpositis Generalibus Societatis hujusmodi pro tempore existentibus, & aliis, quibus ad hanc commutationem auctoritatem vestram, communicaveritis, ut recitationem Officii hujusmodi pro his, qui ob infirmitatem vobis videbantur excusandi, in aliud opus pium seu leviorum Orationem, durante tamen infirmitate, arbitrio vestro commutare.

Gradus Magisterii conferre Magistris, & Scholaribus Collegiorum.

§.5. Necnon Scholaribus Collegiorum Societatis hujusmodi in Universitatibus alicujus studii generalis existentium, quod ipsi si prævio rigoroso, & publico examine in eisdem Universitatibus idonei reperti fuerint, & Rectores Universitatum hujusmodi eos gratis, & amore Dei absque aliqua pecuniarum solutione promovere recusaverint, in Collegiis prædictis a Præposito Generali pro tempore existenti, vel de ejus licentia a quovis ex inferioribus Præpositis, vel Rectoribus hujusmodi Collegiorum cum duobus, vel tribus Doctoribus, seu Magistris per eisdem eligendis, Scholaribus vero Collegiorum eorumdem extra Universitates existentium studiorum suorum cursu absoluto, & rigoroso examine præcedente a Generali, vel de ejus licentia a quovis ex Præpositis, vel Rectoribus hujusmodi Collegiorum cum duobus, vel tribus etiam Doctoribus, vel Magistris per eisdem eligendis quoscumque Baccalariatus, ac Magisterii, & Licentiaturs, ac Doctoratus gradus accipere, & Præpositis, vel Rectoribus cum Doctoribus hujusmodi, ut eisdem Scholares ad gradus ipsos promovere, eisdemque

P p. 2

Schola-

1552.

1552.

Scholaribus, ut postquam promoti fuerint, ut in eis legere, disputare, & quoscumque alios actus ad hæc necessarios facere, & excu- qui, ac omnibus, & singulis privilegiis, prærogativis, immunitatibus, exemptionibus, libertatibus, antelationibus, favoribus, gratiis, & indultis, ac omnibus, & singulis aliis, quibus alii in quibusvis Universitatibus studiorum hujusmodi rigoroso examine prævio, ac alias juxta inibi observari solitos, & requisitos usus, ordinationes, ritus, ac mores pro tempore promoti de jure, vel consuetudine, aut alias quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, non solum ad ipsorum instar sed pariformiter, & æque principaliter absque ulla penitus differentia, uti, potiri, & gaudere in omnibus, & per omnia, perinde, ac si gradus hujusmodi in eisdem Universitatibus, & non eorum Collegiis hujusmodi accepissent.

§.6. Præpositis quoque inferioribus a te & pro tempore existentibus Præposito Generali præfato, vel etiam Provincialibus præfatis in locis Indiarum, & aliis remotis partibus pro tempore deputatis, ut ipsi quæcumque gratias, facultates, concessiones, & indulta eis per te, & eundem Præpositum Generalem, vel Provinciale pro tempore existentes communicata, & concessa, quibusvis aliis personis de Societate hujusmodi professis eis bene visis, quoties eis videbitur, de tua tamen, & Præpositorum Generalium pro tempore existentium scientia, communicare, & concedere possint.

§.7. Et insuper Religiosis Societatis hujusmodi pro tempore senio confectis, aut aliqua infirmitate gravatis, & ad operandum in Vineâ Domini non idoneis etiam professis, ut in Collegiis Societatis hujusmodi de tui, & pro tempore existentis Præpositi Generalis, vel inferiorum, quibus hæc facultatem communicaveris, seu communicaverint, licentia morari, & ex illorum redditibus, & proventibus se sustentare absque aliquo conscientia scrupulo libere, & licite valeant, plenam, & liberam auctoritate, & tenore præmissis facultatem, & licentiam concedimus.

§.8. Non obstantibus quibusvis Apostolicis, ac in provincialibus, & Synodalibus Conciliis editis generalibus, vel specialibus Constitutionibus, & Ordinationibus, ac Societatis, & Universitatum hujusmodi juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eisdem Societati, & Universitatibus, illarumque Rectoribus, Doctoribus, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis etiam motu proprio, & de Apostolicæ potestatis plenitudine, ac alias quomodolibet concessis, approbatis, & innovatis. Quibus omnibus etiam si de illis, eorumque totis tenoribus

Præpositi facultates sibi concessas alios possunt communicare.

Senio confectis conceditur usus priorum reddituum.

Obstantium derogatio.

specialis, specifica, & expressa mentio, aut quævis alia expressio habenda foret, tenores hujusmodi præsentibus pro sufficienter expressis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

§.9. Verum quia difficile foret &c. Datum Romæ apud S. Petrum, sub annulo Piscatoris die 22. Octobris 1552. Pont. nostri Anno III.

Transumpturum fides. Dat. die 22. Octob. 1552. An. III.

XXIV.

Jurisdicção Consulum Artis Pistorum Almæ Urbis, cognoscendi causas, & differentias ipsam artem tangentes. Et privilegium, quo debitoribus, ex causa panis, dilationes concedi prohibetur.

JULIUS PAPA III.

Dilectis filiis Consulibus, & Camerario, ac Universitatibus Panatariorum seu Furnariorum Almæ Urbis nostræ. Dilecti filii, salutem, & Apostolicam benedictionem.

Um sicut Nobis exponi fecistis, alias, retroactis temporibus, vos & prædecessores vestri, qui in Alma Urbe nostra Panatarii sive Furnarii fuerunt, diversis temporibus diversas ordinationes, & statuta ipsius artis, fidele, & sollicitum exercitium, ac personas ad exercitium hujusmodi aptas, illarumque salaria, modos, & formas observandas, ac macinaturam, & macinaturæ pretium concernentia, & alia ad artem hujusmodi necessaria in uno libro descripta ediderint, fecerint, & ordinarint, illaque omnia, prout facta fuerant, per eos, qui conditorum statutorum, & ordinationum, hujusmodi temporibus fuerunt ipsius Urbis Senatores, & Conservatores respectively approbata, & confirmata fuerint, vosque Consulatum habeatis, in quo Panataris sive Furnarii, pro rebus artem hujusmodi tangentibus jus reddunt.

§.1. Et novissime inter cetera statueritis, & ordinaritis, quod vestri Consules, jus, & rationem inter homines artis, & pro causis ad artem hujusmodi spectantibus usque ad quamcumque summam reddere valerent; & si aliquis ipsius artis conveniret in judicio aliquam aliam personam, quæ non esset ejusdem artis, dummodo foret pro re ad artem ipsam spectante, dicti Consules jurisdictionem contra tales conventos usque ad summam viginti scutorum, & non ultra haberent, & personæ sic conventæ jurisdictionem hujusmodi usque ad dictam summam inclusive declinare non possent, & casu quo illam aliqui declinare vellent, nihilominus ipsi Consules illis licentiam dare non possent, neque id pati deberent, sub pœna duorum scutorum ex eorum salario pro quolibet vice retinen. si secus facerent, ac declaraverint id, quod per eosdem Consules fieret, esse validum, firmum, & efficax, cum statutum hujusmodi factum foret pro eorumdem Panatariorum seu Furnariorum

Furnariorum Universitas dicitur variata, artem concernentia.

Consulesque artis vigore corumdem statutorum inter homines de arte, usque ad quamcumque summam, & contra alias usque ad summam scutorum 20. jus reddunt de rebus spectantibus ad artem.

tran-

1552.

1552.

tranquillitate, ne ipsi per diversa ejusdem Urbis tribunalia pro rebus artem hujusmodi concernentibus discurrere deberent, seu discurrendo non possent publico, prout deceret, inservire, quæ quidem, & alia ultimo dicta ordinationes, & statuta per dilectos filios modernos ipsius Urbis Senatorem, & Conservatores, tamquam rationi consonantia, approbata, & confirmata fuerunt.

§.2. Nec non fel. record. Leo Papa X. prædecessor noster provide attendens Panatariorum, seu Furnariis maxime esse omnibus necessariis, volens indemnitatibus tunc, & pro tempore existentium in eadem Urbis Panatariorum, seu Furnariis indemnitatibus consulere, quod ex tunc de cetero in perpetuum nullæ, etiam ab eo, etiam juxta dictæ Urbis statutum super debitis cum ipsius Furnariis presentibus, & ex tunc futuris ratione panis ab eis accepti, in parva vel magna quantitate contractis, dilationes, etiam in sal conficiendo, aut alterius cuiusvis, & quantumcumque necessarij usus favorem, & per specialia rescripta, etiam in forma salyconductus, etiam ad modicum tempus, & Motu proprio, ac ex certa scientia quibusvis personis cuiuscumque status, gradus, vel conditionis existerent, etiam cum derogatione literarum dicti Leonis ex tunc concedendis alicui suffragarentur, sed eo ipso, quod per præoccupationem, vel importunitatem, aut alias quomodocumque ab eo, & pro tempore existentis Romani Pontificis emanarent, illico revocata essent, nec locum contra dictos Furnarios habere, aut eorum aliquem cessio bonorum impedire valeret, quo minus contra personas debitorum, seu creditorum procedi posset.

§.3. Quodque pro tempore existentes dictæ Urbis Governator, Senatores, Conservatores, Vicarius, & Auditor Cameræ, ac alij Judices ordinarii, eorumque Locatentes, in quibusvis causis coram eis per dictos Furnarios, seu eorum aliquem contra eos rationes panis per eos pro tempore crediti dumtaxat debitores, & per viam reconventionis pro tempore movendis, summarie, simpliciter, & de plano, nulla judicialia tela servata, sed sola facti veritate inspecta, absque alicujus scripturæ confectio, & alias prout in causis mercedum, & salariorum per pie memoriæ Julium Papam II. etiam Prædecessorem nostrum statutum fuerat, procedendum fore per suas literas statuerit, & ordinarit, prout in eisdem literis plenius contineri dicitur.

§.4. Vosque sicut eadem expositio subjungebat, cupiatis, statuta, & ordinationes, ac literas Leonis Prædecessoris hujusmodi pro illorum subsistentia firmiori, nostro, & Sedis Apostolicæ munimine roborari, pro parte vestra Nobis fuit humiliter supplicatum, ut omnia, & singula statuta, & ordinationes tranquillum statum, & directionem ipsius artis concernentia, ac literas Leonis hujusmodi approbare, & innovare, aliisque in præmissis opportune provide-

Furnariorum Universitas, petit ab isto Pontifice confirmationem prædictorum.

Et in causis panis, a quocumque iudice summæ &c. procedi ordinavit.

re de benignitate Apostolica dignarentur.

§.5. Nos igitur ad plenum informati, hujusmodi statuta, & ordinationes, ad tranquillum statum, & directionem ejusdem artis facta, rationi consona, ac literas prædictas peritiles fuisse, & esse, vos, & vestrum quemlibet a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine quavis occasione, vel causa latis, si quibus quomodolibet innodati existitis, ad effectum presentium dumtaxat consequendum, harum serie absolventes, & absolutos fore censentes, ac specialibus favoribus, & gratiis prosequi volentes, hujusmodi supplicationibus inclinati, auctoritate Apostolica tenore presentium, ex certa nostra scientia, omnia, & singula, præsertim ultimo dicta statuta, & ordinationes, ac literas Leonis Prædecessoris hujusmodi, & in illis contenta quæcumque auctoritate Apostolica, tenore presentium, approbamus, confirmamus, & innovamus, ac singula in eisdem literis contenta, prout per ipsum Leonem Prædecessorem concessa fuerunt, vobis, & pro tempore existentibus Panataris, seu Furnariis dictæ Urbis, juxta literarum earumdem continentiam, & tenorem de novo concedimus. Ac omnes, & singulos, tam juris, quam facti defectus, qui forsitan intervenerint in eisdem, ac solemnitates, siquæ omisse fuerint, supplemus.

§.6. Ita quod vestri & pro tempore existentes ejusdem artis Consules super hujusmodi, & in specie super statuto de jurisdictione contra allegare, juxta illius tenorem exercenda, quoad personas de arte hujusmodi (firma manente jurisdictione iudicum, ad quos spectat, & quod summarie, & sine strepitu, sola facti veritate inspecta procedatur) per præfatos modernos, & pro tempore existentes Urbis Governatorem, & Senatorem, ac Cameræ prædictarum, Auditorem, vel alios ejusdem Urbis Judices prætextu obligationum in forma Cameræ Apostolicæ impediri, vel alias molestari, seu inibi non possint, neque valeant.

§.7. Et propterea quod nulla dilationes, moratorie, & cessiones bonorum, sive indebitæ quinquennales, vel admissio ad beneficium Capituli Odoardi, etiam a Nobis, & pro tempore existente Romano Pontifice, sive Senatore præfato, seu dilectis filiis Camerario, Clericis, & Præfidentium insertionem, & totali derogatione, cujus personæ Ecclesiasticæ, vel secularis, contra presentium, & Leonis Prædecessoris hujusmodi literarum tenorem suffragentur, hoc expresse addito, quod idem jus per omnia servetur, & hominibus dictæ Urbis, moratorie, dilationes, salinarias, & alia prænarata nullatenus suffragentur.

§.8. Et ita per eosdem Governatorem, Senatorem, & Auditorem ac alios quoscumque Judices, etiam Sanctæ Romane Ecclesiæ Cardinales, quavis auctoritate fungentes, sublata eis & eorum cuilibet, quavis aliter judicandi, & interpretandi facultate, & auctoritate, judicari, interpretari

Pontifex idem eorum ordinationes, ac literas Leonis X. confirmavit.

Consulibusque Universitatis jurisdictionem, de qua hic conceditur.

Dilationesque & cessiones bonorum debitoribus ex causa panis non suffragari decernit.

Decretum irritans.

1552.

Papa subscr.

tari atque definiti debere, decernimus. §.9. Non obstantibus Constitutionibus, & Ordinationibus Apostolicis, ac Urbis, & Camerae praedictarum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eisdem Gubernatori, Auditori Camerae, & Senatori, & quibusvis aliis sub quibusvis clausulis, & decretis, etiam super jurisdictione in omnem universitatem in eadem Urbe facientes quomodolibet concessis, approbatis, & innovatis. Quibus omnibus, etiam si pro illorum sufficienti derogatione, de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nil penitus omisso, & forma in illis tradita observata inferri forent, praesentibus pro sufficienter expressis, & insertis habentes, illis alias in suo robore permansuris, hac vice dumtaxat harum serie specialiter, & expresse derogamus, necnon omnibus illis, quae dictus Leo Praedecessor in suis literis praedictis voluit non ob stare, ceterisque contrariis quibuscumque.

Præsentio istius Constitutionis vim valde inhibitionis obtinet.

Publ. P.A. III 2. Decemb.

§.10. Volumus autem, & dicta Apostolica auctoritate decernimus, quod praesentium literarum per unum Mandatarium, seu aliquem Furnarium ad quem pro tempore spectabit facta praesentatio, vim valida inhibitionis habeat, ac irritum, & inane, si secus a quoquam quavis auctoritate, scienter vel ignoranter contigerit attentari. Datum Romae apud S. Petrum, sub annulo Piscatoris, die 2. Decembris, anno millesimo quingentesimo quinquagesimo secundo, Pontificatus nostri anno III.

XXV.

Ex regest. in Archiv. Vat.

Prohibitio, ne quis subditus mediate, vel immediate Sedis Apostolicae militare audeat, sub vexillo alicujus Principis, praeterquam sub Ducibus Ecclesiae Romanae.

JULIUS PAPA III

Ad futuram rei memoriam.

Videntes Ecclesiastici nostri Status terras, atque loca fortibus, ac strenuis Militibus, qui eidem pro temporum exigentia praesidio esse possunt, in dies magis exauriri, necnon considerantes nostrae aetatis hominum astutiam, ac malignitatem ad omne malitiae, ac temeritatis genus esse proclivem, ac tamen si constanti Nos atque obfirmato animo decreverimus neminem unquam velle ledere, quin potius totis, & animi & consilii, ac auctoritatis nostrae viribus omnipotentis Dei auxilio, & benignitate adiuvi ad universalem miseram, & afflictam Christianitatis pacem procurandam sumus propensi, passim tamen non deesse,

1553.

nec qui actiones nostras calumnientur, nec qui etiam statui, atque honori nostro infundentur; Volentes eam, quae providi est Principis, in his temporum difficultatibus cautionem adhibere, statuimus, ordinamus, atque precipimus, ut nullus tam Almae Urbis nostrae Romae, quam omnium Civitatum, oppidorum, locorumque Status nostri Ecclesiastici Civis, habitator, aut Incola cujusvis gradus, praeminentiae, aut conditionis existat, posthac apud aliquem, praeterquam apud Duces, Capitaneosque nostros, nisi de nostra, aut locorum nostrorum Rectorum, Gubernatorumque, seu dilecti filii nobilis viri Juliani Cesarini, cui describendorum militum, & ut vulgo dicitur dell'ordinanze e battaglie, in hac Alma Urbe nostra, & in toto Statu Ecclesiastico generalem curam demandavimus, expressa licentia stipendia accipere, & militare, sub poenis in aliis nostris similibus ordinationibus contentis audeat, aut praesumat; Ac similiter statuimus, ordinamus, ac precipimus, ut nullus in eadem Urbe, reliquisque status nostri locis cujusvis gradus, praeminentiae, aut conditionis existat, clam atque occulte pecunias stipendii nomine, ut milites paratos habeat, dare, aut promittere, five eam accipere, vel sese, aut verbo, aut fide, aut quovis modo tam accepta pecunia, quam alias cupiam in militia addicere audeat, atque praesumat, sub rebellionis, ac confiscationis honorum, tam per eos, qui pecunias dederint aut promiserint, quam per eos, qui acceperint, aut se ad dantium nutum, ac voluntatem occulte obligare, aut se, ut praefertur, obligaverint, ipso facto incurrenda poena, necnon punitionis iuxta leges, ac Constitutiones temporales adversus Principis sui proditores, ac rebelles, & reos laesa Majestatis in primo Capite promulgatas, quod si continget eum, qui contra hanc ordinationem nostram pecunias dederit, aut promiserit, aut occulte, ac quovis quaesito colore cum subditis nostris convenerit, procuraverit, vel tentaverit milites, tam ex hac Urbe nostra, quam ex reliquis Status nostri terris ad sui requisitionem paratos, ac sibi obligatos habere, ut supra dictum est procuraverit, personam esse Ecclesiasticam, quavis, aut quantumvis eminenti, ac sublimi dignitate praeditam decernimus, eum ultra praedictam rebellionis poenam, excommunicationis insuper latae sententiae, & privationis omnium suorum graduum, officiorum, ac Beneficiorum poenam ipso facto incurerre. Qui vero contravenientes huic ordinationi nostrae, praeterquam revelaverint amplum suae fidelitatis, ac diligentiae praemium iuxta personarum, aut aliarum qualitatum circumstantiam largiter a Nobis consequentur, & rursus qui hujusmodi contravenientium notitiam habuerint, & eos revelare neglexerint, in aere, & in corpore ipsorum inobedientiae meritam poenam severe recepturos declaramus: volumus etiam, ut si qui forte supra dicto modo pecunias, aut dederint, seu promiserint, vel acceperint, aut se obligaverint, infra triduum post praesentium publi-

1552. Nos quoscumque in Philosophia, & Medicina doctorandi.

1552.

Dat. die 21. Febr. 1553. An. III.

publicationem sese Nobis, aut locorum nostrorum Rectoribus, aut Gubernatoribus, vel praefato Juliano manifestantes ab illiusmodi promissionibus, aut obligationibus retrahere se impune, & libere possint, post quorum dierum terminum, qui se interea, ut praemittitur, manifestare neglexerint in praedictas poenas irremissibiliter incurrisse censentur.

Datum Romae apud Sanctum Petrum, sub annulo Piscatoris die 21. Februarii 1553. Pontificatus nostri anno III.

XXXI.

Facultas Collegii Physicorum Medicorum, Almae Urbis, quoscumque promovendi ad gradus Philosophiae, & Medicinae private quoad alios. Et confirmatio jurisdictionis Proto-Medici, cognoscendi causas civiles, & criminales ad ejus officium spectantes.

JULIUS PAPA III. &c.

Exemptione quo.

Causa istius Constitutionis.

Meritis devotionis vestrae, erga Nos, & Romanam Ecclesiam inducimur, ut petitionibus vestris, quantum cum Deo possumus, favorabiliter annuamus.

§.1. Cum itaque sicut Nobis exponi fecistis, multi Physici, ac Medicinae ignari, sub praetextu, quod in aliqua universitate studii generalis, Philosophiae, ac Medicinae operam dederint, tantum se profecisse praeserant, ut veluti idonei ad doctoratus gradum se promoveri facere temere praesumant, & cum hujusmodi gradum ob eorum imperitiam in eisdem Universitatibus assequi posse dissident, licentiam a Sede Apostolica sub fictis narrationibus extorquere conantur, ut ab aliquo Praelato seu persona in dignitate Ecclesiastica constituta, ad ipsum gradum rigoro examine, aliisque in hujusmodi promotionibus, tam de jure, quam laudabili consuetudine requisitis, minime adhibitis, promoveri se faciant, in ipsius doctoratus dignitatis opprobrium, & maximum vitae hominum exitium, ac perniciem, pro parte vestrum asserentium vos a Sede Apostolica indultum, ad doctoratus hujusmodi gradum tam in Philosophia quam in Medicina, praemisso rigoro examine, aliisque ad id requisitis, de more solemniter observatis, quoscumque idoneos promovendi obtinuisse, Nobis fuit humiliter supplicatum, ut privilegia vobis concessa confirmare, aliaque in praemissis opportune providere, de benignitate Apostolica dignemur.

Confirmatio privilegiorum Collegii, quatenus sunt in usu.

§.2. Nos specialibus favoribus & gratis vos prosequi volentes, hujusmodi supplicationibus inclinati, auctoritate Apostolica, tenore praesentium, privilegia, & indulta, necnon gratias Collegio vestro per fel. rec. Clementem VII. & alios Romanos Pontifices Praedecessores nostros concessa (quatenus sint in usu) approbamus, & confirmamus.

Facultas Collegii privati, quoad a-

§.3. Ac statuimus & ordinamus ex nunc & de cetero perpetuis futuris temporibus

ut nullus etiam praetextu cujusvis licentiae seu facultatis sibi etiam Apostolica auctoritate concessae, seu privilegiorum, & indultorum ac literarum Apostolicarum quibusvis personis cujuscumque dignitatis, status, gradus, conditionis, praeminentiae, nobilitatis, & excellentiae existentibus, Romanae Curiae officialibus, eorumque Collegiis, ac quacumque dignitate fulgentibus, ut illorum contemplatione seu intuitu, etiam, Motu proprio, & ex titulo oneroso, & ex quibusvis aliis quantumcumque maximis, & urgentissimis causis, sub quibuscumque verborum formis & expressionibus, ac ex quibusvis efficacissimis, & insolitis, ac etiam derogatoriis derogatoriis clausulis, etiam talibus, quod illis nullatenus, aut nonnisi sub certis modo, & forma eis derogari possit, irritantibusque & aliis decretis, per Nos & Praedecessores nostros, ac Sedem Apostolicam, seu alias pro tempore concessis, ad Philosophiam, Medicinae, seu earum alterum doctoratus gradum, praeterquam a vestro Physicorum, & Medicorum Collegio, in dicta Alma Urbe nostra existente assumi, creati, & promoveri possit. Decernentes assumptiones, creationes, & promotiones hujusmodi per vestrum Physicorum, & Medicorum Collegium faciendas, validas & efficaces existere, suosque effectus fortiri debere. Quascumque alias hujusmodi creationes, assumptiones, ac promotiones, per alios quam per Collegium vestrum de cetero in ipsa Curia faciendas, cum inde secutis quibuscumque, ex nunc prout ex tunc, irritas & inanes, nulliusque roboris, & momenti esse censemus, ac nemini suffragari, ipsique ab aliis quam a Collegio vestro ad gradum hujusmodi assumpti, pro non promotis, aut doctoratis haberi mandamus. Volumus tamen, quod vos, & Collegium vestrum quoscumque pauperes, vel egentes, quos ad susceptionem graduum hujusmodi habiles, & idoneos reperietis, ad Doctoratus hujusmodi gradum benigne, & gratiose assumere, & promoveri debeatis.

Jurisdiclio Proto-Medici cognoscendi causas civiles & criminales.

§.4. Et insuper cum intellexerimus, dilectum filium Proto-Medicum dictae Urbis pro tempore existentem, in causis tam civilibus quam criminalibus in prima instantia ad ejus cognitionem, ratione dicti sui officii quomodolibet spectantibus, & pertinentibus, a diversis ejusdem Romanae Curiae five Commissariis, ordinariis, vel extraordinariis Judicibus, impediri ac inquietari, & in dies molestari. Nos ejusdem Proto-Medici, ac vestri Collegii indemnitati consulere cupientes, sub excommunicationis latae sententiae, ac mille ducatorum auri, pro una Cam. Apostolica, pro alia vero medietatibus vestro Collegio applicandis poenis, districtius inhibendo mandamus quibuscumque hujusmodi Almae Urbis nostrae Judicibus, & Commissariis, ordinariis, & extraordinariis, quacumque dignitate fulgentibus, ne Proto-Medicum praedictum in causis similibus, ad ejus officium, ut praemittitur, spectantibus, & pertinentibus quoquo modo mole-

1552.

Inhibitiones aliorum iudicum non afficiunt ipsum Protomedicum.

Clausula sub-lata.

Deputatio executorum & defensoru.

Clausula de-rogoria.

Julius Tertius An.IV.

1552.

Dat. P. An. IV 11. Aprilis.

cienter expressis habentes, illis alias in fuo robore permanfuris, hac vice dumtaxat, harum ferie specialiter, & expresse derogamus, ceterisque contrariis quibuscumque. Datum Romæ apud Sanctum Petrum sub Annulo Piscatoris, die 21. Aprilis 1553. Pontificatus nostri Anno quarto.

XXVII.

Confirmatio, & extensio Constitutionum a plerisque Romanis Pont. editarum, contra non solventes Rev. Cam. Apost. communia, & minuta servitia, ac annatas.

JULIUS EPISCOPUS SERVUS SERVORUM DEI

Ad perpetuam rei memoriam.

Cupientes Camera Apostolica ex qua non modo S. R. E. verum etiam toti Republicæ Christianæ subsidium provenit, & Collegii venerabilium fratrum nostrorum S. R. E. Cardinalium, ac Officialium Sedis Apostolicæ indemnitati consulere, & eorum iura, ut tenemur, illa præservare, his quæ a Prædecessoribus nostris ad hoc provide emanarunt, libenter adjicimus nostri muniminis firmitatem, aliasque desuper disponimus, prout in Domino conspicimus salubriter expedire.

§.1. Dudum siquidem postquam sel. rec. Pius Papa II. Prædecessor noster accepto quod numerus debitorum dictæ Camere plurimum auctus erat, & quod obligati pro annatis beneficiorum ecclesiasticorum, quæ Apostolica auctoritate affecti fuerant, excommunicationis sententiam in eos latam, quam non solvendo in termino eis præfixo ipso facto incurrerant, minime curare videbantur, unde animabus sic illaqueatis periculum imminerebat, & continue eidem Camere damna subsequebantur. Cuius tam saluti animarum, quam indemnitati Camere hujusmodi salubriter provide, per suas ordinaverat, quod omnes, qui ex tunc de cetero pro annatis quorumcumque beneficiorum in dicta Camera se obligarent, si infra terminos eis præfixos dictæ Camere, aut collectoribus fructuum, & proventuum eidem Camere debitorum in illis partibus existentibus satisfacere deficerent, ipso facto lapsis terminis prædictis, non solum sententiam excommunicationis inciderent, sed etiam beneficiis, pro quibus se in ipsa Camera obligassent, omnino privati essent, si vero qui se pro annatis hujusmodi non per se, sed pro aliis, ut principales obligarent, si in terminis non satisfacerent, ultra sententiam excommunicationis hujusmodi, essent omnibus beneficiis Ecclesiasticis per eos obtentis eo ipso privati, possentque talia beneficia, per quoscumque libere impetrari.

§.2. Et piæ mem. Paulus etiam PP. II. Prædecessor noster &c. ut in sua Constit. VII. Decet Tom. III. Par. III. fol. 126.

§.3. Ac similis memoriæ Innocentius Papa VIII. similiter Prædecessor noster &c. ut in sua Const. IV. Apostolicæ T. III. Par. III. fol. 200.

Exordium.

Pius II. (cujus Constitutio non habetur) penas hic expressas imposuit non solventibus Cam. Apost. annatas.

Paulus II. a-liam edidit Const.

Innoc. VIII. Const. IV.

§.4. San-

1554.

Julius II.

Post prædictas Constitutiones multæ uniones perpetuæ factæ sunt, & tam in Camere obligantes de solvendo annatas acceptæ non fuerunt, vel exequuntur.

Pontifex iste ideo approbat, & innovat Constitutiones prædictas, & ampliat etiam ad beneficia de jure patronatus imperatoris, & Principu quorumcumque.

Julius Tertius An.IV.

1554.

§.4. Sanctæ memoriæ Julius similiter Papa II. & Prædecessor noster &c. Hac Bulla fuit ommissa uti simpliciter confirmatoria.

§.5. Cum autem, sicut accepimus, malitia, & avaritia hominum in dies crescente, ordinationes, statuta, voluntates, & decreta, & declaratio Pii, & Pauli, ac Innocentii, & Julii Prædecessorum hujusmodi ad præfens plene non observentur, & a tempore ipsius Alexandri Prædecessoris citra, tam per ipsum Julium, quam etiam sel. rec. Leonem X., Adrianum VI., & Clementem VII., ac Paulum III. Romanos Pontifices Prædecessores nostros, ac Nos, diversæ alie uniones, annexiones, incorporationes, & applicationes perpetuæ factæ, & concessæ fuerint, ac ex incuria agentium pro Camera prædicta, seu alias obligationes de solvendis communibus, & minutis servitiis, ac annatis, seu mediis fructibus, aut aliis juribus solvi debitis, & consuetis, factæ non fuerint, & quæ factæ sunt executioni non demandentur, in eorum, ad quorum commodum uniones, annexiones, incorporationes, & applicationes prædictæ factæ fuerunt, in animarum periculum, & Camere, ac Collegii Cardinalium, & Officialium detrimentum, necnon reipublicæ hujusmodi non leve præjudicium.

§.6. Nos volentes in præmissis opportune providere Prædecessorum hujusmodi vestigiis inharendo, motu proprio, non ad alicujus Nobis super hoc oblatæ petitionis instantiam, sed de mera deliberatione, & certa scientia nostris, ordinationes, statuta, voluntates, decreta, & declarationem Pii, & Pauli, ac Innocentii, & Julii Prædecessorum hujusmodi, necnon desuper confectas literas, ac omnia, & singula in eis contenta, Apostolica auctoritate, tenore præsentium approbamus, & innovamus, ac robur perpetuæ firmitatis obtinere, & quibuscumque, tam in eisdem literis nominatis, quam non nominatis, virorum, & mulierum, secularibus, & quorumvis Ordinum regularibus congregationibus, ac omnibus aliis sub singulis prædictis, & præsentibus nostris literis comprehensis personis, tam pro præterito, quam futuro tempore inviolabiliter observari, eaque omnia, ac censuras, & penas in singulis literis hujusmodi contenta contra omnes Congregationes, & personas prædictas quoad omnia, & singula Monasteria, & Beneficia Ecclesiastica, cum cura, & sine cura, secularia, & quorumvis Ordinum regularia quomodolibet qualificata, quæ Congregationes prædictæ quomodolibet communiter possident, etiam si de jure patronatus laicorum, etiam Imperatoris, Regum, Ducum, Marchionum, Baronum, Comitum, & aliorum nobilium, etiam illustrium, aut dummodo per ipsas Congregationes possideantur, tam in Romana Curia, quam extra eam inter quoscumque litigiosa existant, vigere, & locum habere, totalique, & plenarie executioni demandari debere decernimus. Necnon ea omnia quæ singuli Prædecessores prædicti voluerunt, eisdem auctoritate, & tenore voluerunt, Bull. Rom. Tom. IV. Par. I.

mus, ac præmissa omnia, prout per ipsos Prædecessores ordinata, statuta, decreta, & declarata fuerunt, de novo ordinamus, statuimus, decernimus, & declaramus, eaque omnia ad quoscumque, tam seculares, quam regulares, virorum, & mulierum Congregationes quantumvis privilegiatas, & exemptas, auctoritate, & tenore prædictis, extendimus, & ampliamus.

§.7. Decernentes præfentes literas de intentionis nostre defectu notari, aut prætextu quod in aliquibus locis non recipiantur, aut moribus utentium non comprobentur impugnari, aut in defectudinem adiri, dici non posse, sed ex die earum publicationis modo infra scripto faciendæ quoscumque ligare.

§.8. Sicque, & non aliter in præmissis omnibus, & singulis per quoscumque Judices, & Commissarios, quavis etiam dicta Apostolica auctoritate fungentes, etiam causarum Palatii Apostolici Auditores in quavis causa, & instantia, sublata eis, & eorum cuilibet quavis aliter judicandi, & interpretandi auctoritate, & facultate, judicari, & definiti debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari.

§.9. Non obstantibus Constitutionibus, & Ordinationibus Apostolicis, ac omnibus illis, quæ singuli Prædecessores prædicti, in singulis eorum literis voluerunt non obstare, ceterisque contrariis quibuscumque.

§.10. Ut autem præfentes nostre literæ ad omnium, quorum interest, notitiam deducantur, nullusque deinceps possit aliquam in præmissis excusationem prætere, aut ignorantiam allegare, auctoritate, & tenore prædictis volumus, & mandamus, quod literæ hujusmodi in valvis Cancellariæ Apostolicæ tribus diversis diebus, dum ipsa Cancellaria tenebitur, per aliquem ex Curatoribus nostris affigantur, & donec illa duraverit, affixæ teneantur, exindeque in quinto Cancellariæ, ubi similes Constitutiones describi consueverunt, per eos, ad quos spectat, ad perpetuam rei memoriam, describantur, & registrentur.

§.11. Nulli ergo omnino hominum liceat hanc paginam &c. Si quis autem hoc attentare presumpserit, indignationem omnipotentis Dei, ac Beatorum Petri, & Pauli Apostolorum ejus, se noverit incursum.

Datum Romæ apud S. Petrum, anno Incarnationis Dominicæ, millesimo quingentesimo quinquagesimo tertio, quinquodesimo Kal. Januarii, Pontificatus nostri Anno IV.

Anno a nativitate D. 1554. indictione 12. Pontificatus Sanctiss. in Christo Patris, & D. N. D. Julii divina providentia Pape III. anno ejus 4. retro scripta literæ Apost. in valvis Cancellariæ Apost. tribus diversis diebus, dum ipsa Cancellaria tenebatur, & donec illa duraverit, videlicet diebus Martis 9. necnon Jovis 11., & Sabbati 13. mensis Januarii, juxta ipsarum literarum tenorem affixæ, & publicæ.

Clausula præservativa.

Decretum irritans.

Clausula derogatoria.

Forma & effectus publicationis.

Sanctio penalit.

D. P. An. IV. die 10. Dec.

Publicatio.

Q9

*publicata fuerant per me Umbertum Hollo-  
nium pralibati D.N. Papae Curforem .  
Jo. Freise Mag. Curf.*

XXVIII.

Ecclesiarum Praelati ex Palatio Apostolico panem habentes, Familiares, & continui Commensales Romani Pontificis declarantur. Forumque beneficia ipsi Pont. reservantur.

*Aliam super hujusmodi familiaritate sanctionem edidit Paul.III. in Constit.III. Sanctissimus sup. fol. 119.*

*Causa istius declarationis.*

**S**anctissimus in Christo Pater, & Dominus noster Dominus Julius, divina providentia Papa III., cui nuper innotuit, quod a nonnullis vertitur in dubium, an Ecclesiarum Praelati panem ex Palatio Apostolico ratione personae suae, & non alterius officii per eos pro tempore obtenti, quotidie habentes sint Sanctitatis Suae veri, & indubitati, & non ficti, aut per privilegium, Praelati domestici, & continui commensales, considerans panem hujusmodi eis non nisi ratione familiaritatis continuae commensalitatatis exhiberi.

§.1. Et propterea volens dubium hujusmodi, suae declarationis oraculo, de medio tollere, declaravit, omnes, & singulos Ecclesiarum Praelatos, qui solum ratione personae suae, & non alicujus officii per eos pro tempore obtenti panem ex Palatio Apostolico quotidie habent, seu habere possunt, & in posterum habebunt, seu habere poterunt, licet in eodem Palatio non habitent, & ultra panem alia victui humano necessaria non habeant, nec in posterum habituri sint, Sanctitatis Suae veros, & indubitatos, & non fictos, aut per privilegium Praelatos domesticos, & continuos commensales esse, ac in posterum fore, & pro talibus, & ut tales censeri, & reputari debere, ita ut sub regulis Cancellariae Apostolicae, & aliis Constitutionibus suis, tam editis, quam edendis, de veris familiaribus continuis commensalibus Sanctitatis Suae loquentibus comprehensi, & illis quoad omnia subiecti sint, ipsique illis uti, potiri, & gaudere possint.

*Collatio beneficiorum Praelatorum, ipsi Pontifici reservantur.*

§.2. Et Sanctitas Sua de beneficiis Ecclesiasticis, per eos pro tempore obtentis qualitercumque qualificatis, & ad collationem, provisionem, praesentationem, electionem, seu quamvis aliam dispositionem quorumcumque collatorum, etiam S. R. E. Cardinalibus, etiam indultum speciale super conferendis beneficiis ad eorum collationem, provisionem, praesentationem, electionem, seu quamvis aliam dispositionem pertinentibus a Sanctitate Sua, aut Sede Apostolica habentium, communiter, vel divisim spectantibus, quae per eorum obitum in Romana Curia, vel extra eam in posterum vacabunt tamquam Sanctitatis Suae ratione familiaritatis, & continuae commensalitatatis hujusmodi generaliter reservatis providere, & de illis disponere libere, & licite possit, in

omnibus, & per omnia perinde, ac si ipsi Praelati in dicto Palatio habitarent, & ultra panem alia victui humano necessaria haberent.

§.3. Sicque per quoscumque &c. etiam Cardinales Praelatorum, ac causarum Palatii Apostolici Auditores in quavis causa, & instantia, sublata &c. judicari, & definiti debere, ac irritum &c.

Placet, publicetur, & describatur. I. *Lecta, & publicata fuit superscripta Regula Romae in Cancellaria Apostolica, anno Incarnationis Dominicae millesimo quingentesimo quinquagesimo quarto, die vero Martis 13. mensis Feb. Pont. pralibati SS. D. N. D. Julii divina providentia Papa III. Anno IV. A. Lomellinus Castos.*

*Decretum irritans.*

*Papa subscr. Publ. Pontif. A. IV. die 13. Februarii.*

XXIX.

Quod Frater Germanus alicujus S. R. E. Cardinalis viventis, ad Cardinalatum promoveri non possit.

**S**anctissimus Dominus noster D. Julius divina providentia Papa III. pro bono regimine S. R. E. ac pro felici sacri Collegii Cardinalium directione, & de ipsorum Cardinalium consilio, & unanimi assensu, praesenti decreto statuit.

§.1. Ut nullo umquam tempore assumatur aliquis posthac in eisdem S. R. E. Cardinalium, qui sit frater Germanus alterius Cardinalis viventis. Itaque eodem tempore duo Fratres Germani in eodem Collegio nullatenus esse possint. Decernens, & declarans fratres Cardinalium viventium ad Cardinalatus dignitatem penitus incapaces, & inhabiles habendos, & reputandos esse.

§.2. Et ex nulla quantumvis urgentissima causa adversus hoc decretum dispensare licere.

Actum Romae, die Veneris 26. mensis Januarii 1554. in Consistorio.

*Quod frater Germanus Cardinalis viventis creati non possit in Cardinali.*

*Dissequae sanctioni derogari non possit. D. P. An. IV. die 26. Jan.*

XXX.

Beneficiorum Ecclesiasticorum possessionem per Provisos literis Apostolicis minime apprehensam nullam esse declarat, illoque Privatos Beneficiis fore decernit.

§.1. **S**anctissimus in Christo pater, & D. N. D. Julius divina providentia Papa III., cui nuper innotuit, quod licet alias fel. rec. Gregorius X. in generali Concilio Lugdunen. sua generali Constitutione sanciverit, quod nullus, ex tunc de cetero administrationem dignitatis, ad quam electus esset, priusquam celebrata de ipso electio confirmaretur, sub oeconomatus, vel procuratoris nomine, aut alio de novo quæsito colore in spiritualibus, vel temporalibus per se, vel per alium pro parte, vel in totum gerere, vel recipere, aut illis se immiscere praesumeret: omnes illos, qui seclus fecissent, jure, si quod illis per electionem

*Ex Regest. in Archiv. Vat.*

*Gregorius X. prohibuit electos ad Ecclesias illarum administrationem se immiscere ante sui confirmationem*

*Cavit etiam Bonifac. VIII. ne provis de Ecclesiis, alii que Beneficiis, eorum curam susciperent, non confectis Literis Apostolicis provis. nonnulli hujusmodi.*

nem quæsitum foret, decernens eo ipso privatos.

§.2. Et pia me: Bonifacius VIII. etiam sua perpetua valitura Constitutione sanciverit, ut Episcopi, & alii Praelati, Superiores, necnon Abbates, Priores, & ceteri Monasteriorum regimina exercentes quocumque nomine censerentur, qui apud Sedem Apostolicam promoverentur, aut confirmationis, consecrationis, vel benedictionis munus recipere, ad commissa eis Ecclesias, & Monasteria (dicta Sedis Literis eorum promotionem, confirmationem, consecrationem, seu benedictionem hujusmodi continentibus non confectis) accedere, vel bonorum Ecclesiasticorum administrationem accipere non praesumerent, nullique eos absque dictarum literarum ostensionem recipere, aut eis parere, vel intenderent. Quod si forsitan contra praesumptum fuisset, quod per Episcopos, Praelatos, Abbates, Priores, & alios Monasteriorum Regimina exercentes praedicto tempore actum foret, irritum haberetur, nec quicquam interim iisdem Episcopis, vel Praelatis, Abbates, Priores, vel Regimina exercentes de Ecclesiarum, vel Monasteriorum eorumdem proventibus perciperent.

*Paulus III. sub excommunicationis pena Gabelionibus inhibuit, ne de transumptis hujusmodi cogarent.*

§.3. Et recol. me: Paulus III. Romanus Pontifex Praedecessor noster quibuscumque tabellionibus publicis, sub excommunicationis lata sententia poena inhibuerit, ne ex tunc de cetero de transumptis supplicationum, praeterquam habentium clausulam, quod eorum sola signatura sufficeret, ac decreto & concessione literarum, seu mandatorum provisionem beneficiorum Ecclesiasticorum vigore supplicationum hujusmodi apprehendi rogari deberent, neve illa scribere, vel subscribere, aut quovis modo autenticare, vel partibus tradere praesumerent; Volens & Apostolica auctoritate statuens inter cetera, quod partes transumptis, seu literis, aut mandatis hujusmodi, ex tunc deinceps utentes, ac illorum praetextu possessionem hujusmodi apprehendentes fructus, quos de illis pro tempore perciperent, suos non facerent, quinimo ad beneficia in eisdem transumptis, & literis, ac mandatis expressa efficerentur ipso facto perpetuo inhabiles, & ad restitutionem fructuum ex illis pro tempore perceptorum in utroque foro tenerentur, decernens sic judicari debere, ac irritum &c.

*Prohibens praeter Beneficiorum, ne hujusmodi transumptis uterentur.*

*Julius statuit per Judices quoscumque non iudicari juxta tenores supplicationum signatarum.*

§.4. Et successive Sanctitas Sua attendens, quod ante confessionem literarum gratia Apostolica est informis, inter alia voluerit, statuerit, & ordinaverit, quod Judices in Romana Curia, vel extra eam pro tempore existentes, etiam si essent S. R. E. Cardinales, vel causarum Palatii Apostolici Auditores, aut quicumque alii non juxta supplicationum super impetratione signatarum tenores, & formas judicare deberent etiam decreto irritanti adiecto.

*Arzamen. vis Beneficiorum possessionem apprehendebant li.*

§.5. Nihilominus diversi Episcopi, & alii Praelati, Superiores, & Abbates literis super dispensatione retinendis beneficiis per eos, antequam promoverentur, aut co-

rum electiones confirmarentur, obtiniam per praedictam Sedem pro tempore concessis minime confectis, beneficia per eos obtenta praedicta retinere, & diverse aliae personae Ecclesiasticae possessionem Beneficiorum Ecclesiasticorum eis dicta auctoritate conferri, seu commendari, vel in eorum favorem uniri, aut alias disponi concessiones literis Apostolicis desuper non expeditis apprehendere praesumunt, inhabilitatem, & alias poenas in sanctionibus, & inhibitione, & voluntate, & statuto praedictis contentas damnabiliter incurrendo in animarum suarum periculum.

*1554. Literis Apostolicis non expeditis.*

§.6. Volens periculis animarum hujusmodi latius occurrere, Sanctiones, & inhibitionem, ac voluntatem, & statutum hujusmodi, quorum tenores Sanctitas Sua, ac si de verbo ad verbum infererentur, haberi voluit pro expressis, approbans, & innovans, ac perpetuo observari debere decernens.

*Sanctiones supra relatas confirmat.*

§.7. Et sanctiones ipsas ad inferiora Beneficia Ecclesiastica quaecumque, & quomodocumque qualificata amplians, & extendens, hac sua in perpetuum valitura Constitutione statuit, & ordinavit, quod omnes & singulae personae Ecclesiasticae, tam Seculares quam quorumvis Ordinum Regulares, cujusvis status, gradus, ordinis, vel conditionis existant, etiam si Episcopali, vel Archiepiscopali, aut Patriarchali, vel alia majori dignitate praesurgant, quod de cetero literis super dispensationibus retinendi beneficia per eos antequam promoveantur, aut eorum electiones confirmantur, obtenta eis per Sedem eandem pro tempore concessis minime confectis, beneficia ipsa retinere, aut possessionem alicujus, seu aliorum Beneficiorum Ecclesiasticorum cum cura, vel sine cura Secularium, vel quorumvis Ordinum Regularium quaecumque, & qualitercumque qualificatorum eis dicta auctoritate Apostolica conferri, seu commendari, aut in eorum favorem, & commodum uniri, seu alias disponi concessioni literis Apostolicis, super collatione, seu commenda, aut unione, seu alia dispositione hujusmodi non expeditis, per se, vel per alium, seu alios ejus nomine, etiam supplicationum, seu sumptorum, vel transumptorum hujusmodi, aut collationum eis postmodum de ipsis beneficiis, tamquam etiam tunc certo modo in supplicatione expresso vacantibus, ordinaria, vel alia quavis auctoritate factarum praetextu apprehendere praesumpserint, aut per alios apprehensam, ratam, & gratam habuerint; ipsorum beneficiorum non possessores, sed meri, & nudi detentores, ac violenti, & sine aliquo titulo in eis intrusi censeantur, & pro talibus habeantur, & reputentur, nec fructus suos faciant, sed ad illorum restitutionem, ut praesertur, teneantur, & obligati existant: Constitutiones seu dicta Cancellariae Regulae de annali, & triennali possessione in illis locum non habeant: nec eisdem detentoribus, & intrusis in aliquo suffragentur.

*Extendit ad Beneficia inferiora, et sine quibus Beneficiorum quorumvis possessionem inquit Literis Apostolicis desuper non expeditis, intrusos reparari jubet.*